



### Programa di Cambio

**1)** TIA (Tecnologia Inovativo Arubano). Esaki ta un sistema moderno, na unda tur placa efectivo ta bay den sistema online, tur placa na Aruba ta bira digital y ta wordo traspasa di un persona pa otro den forma digital, e moneda (placa) ta keda mesun diseo y cu mesun balor. Tur impuesto actual na Aruba lo wordo elimina di e forma cu e ta aworaki y lo uza un strategia moderno y mas confiabel den e sistema nobo di TIA. Den e tecnologia di TIA lo tin un sistema automatico cu lo ta un Impuesto full diferente y confiabel cu menos gasto pa comerciante y persona individual. E impuesto aki lo wordo yama G.T.F.P (Government Tax Fluctuation Percentage), e sistema aki ta cobra impuesto solamente riba cada transaccion cu wordo haci di un cuenta bancario pa un otro cuenta bancario. TIA (Tecnologia Inovativo Arubano), implementando e sistema aki ta haci cu ningun trahado ni dunado di trabou por traha preto mas, y tur ciudadano riba pais Aruba lo uza e sistema aki, pa por sigui cu transaccion riba nan cuenta.

**2)** Den e sistema aki di TIA necesario ora di atende cu comerciante esaki lo haci nan trabou mas facil. Riba e dashboard, lo tin bo papel di 5 Florin den forma digital, lo tin bo identificacion digital, lo tin bo payslip digital, lo tin bo carta di recomendacion digital, bo rijbewijs digital, bo nummerplaat digital, bo seguro digital, DTI digital, AZV digital, bo registro medico di hospital, bo buena conducta digital, bo carchi berde DVG digital, awa, coriente digital, permisonan digital, y hopi mas den e un solo Dashboard di TIA, cu ta completamente gratis. Cada un di e documentonan aki tin un code di verificacion cu na momento cu bo mester demostra cierto documento, bo por duna bo code priva y bo informacion specifico riba e general TIA Platform.

**3)** TIA sigur lo ta un cambio hopi grandi den sistema di Cuerpo Policial cu lo por gara un sospechoso mas liher y lo por baha cantidad di acto criminalnan, fraude etc.. mas liher. E sistema aki ta detecta fraude liher y Banco Central lo tin hopi mas control cu e circulacion di placa rond di pais Aruba.

4) Turista cu drenta nos pais cu placa cash of den nan carchi di banco, lo deposita nan placa na un banco y lo ricibi e Tourist Weeks Card (TWC) cu ta percura cu e turista tambe ta paga impuesto igual cu nos local, p'e tempo cu e ta riba nos isla, pasobra cada transaccion turistico ta un contribucion na nos impuesto di TIA.

5) TIA su porcentahe di fluctuacion ta cambia 1 biaha pa siman, esaki por subi of e por baha. Tur siman gobierno su commicion nobo lo ricibi un rapport completo di con e siman a bay for di Banco Central y di Departamento di Impuesto cu lo haci cu gobierno lo stipula e porcentahe na e balans cu e mester ta. E sistema aki lo kita un peso hopi grandi mes di cada persona riba pais Aruba, tambe e comerciantenan.

6) Awa, Coriente y pago di cualkier Impuesto cu tey actualmente, Nummerplaat, DTI, Serlimar, AZV, SVB, pensioen, renoba rijbewijs, tocante pago di tereno y hopi mas, automaticamente lo bay den e pakete di TIA. Cu e sistema aki bo no mester paga e servicionan, pasobra TIA ta kitando esaki caba via Transaction Fluctuation system. Cada transaccion bo ta contribui na pais Aruba, cu un impuesto hopi abou y hopi rasonabel, pa motibo cu e porcentahe ta calcula solamente riba bo balans cu bo ta uzando.

7) TIA lo tin tambe e pakete di Lost Job Cover cu lo cubri un persona cu a perde su trabou, pa 6 luna. E ayudo financiero pa e seis lunanan aki ta pa yuda pa e persona chek un otro trabou. Manera e persona haya un otro trabou, automaticamente e financiamiento ta stop. Nos ta haci esaki pa bo sinti bo mes sigur cu bo no ta wordo perhudica si bo tin debe un caminda of bo tin famia y bo mes tin cu come. Bo tin 4 luna pa busca un trabou riba bo mes y si esaki no logra Gobierno tin 2 luna pa automaticamente manda bo na un trabou den sector priva of sector publico.

8) Tur persona cu ta cobrando bijstand/onderstand, lo ricibi un trabou temporario di 4ora pa dia, na facilidadnan di Gobierno (pero no como un ambtenaar). Esaki ta pa yudabo haya experiencia den e ramo di trabou cu bo ta haciendo y tur siman 1 biaha pa siman, un guia di Departamento Social lo yudabo cu buscamiento di trabou, sea den sector publico of priva. Tur persona cu ta cobra bijstand lo ta obliga pa atende e scol nobo practico cu nos lo bin cune, pa e persona nan aki por tin un mihor trabou.

9) Tur baby cu nace, automaticamente ta ricibi fam di tata. Tur baby cu nace e tata y e mama ta ricibi Autoridad comun. Si ta casa ora mama y tata divorcia ambos mayor ta keda cu e autoridad comun.

**10)** Lo pone 3 mini corte civil na Aruba, na unda cu cualkier persona cu sinti cu el a wordo ofendi, difama, of a/ta haya su mes den situacion malo of trato malo, por demanda su oponente, na e corte aki. Trato igual y derecho humano ta importante pa nos tur.

**11)** Lo renoba e centro di adicto na San Nicolas full y traha esaki den forma di un centro full cera, cu maximo seguridad, na unda cu tur ambulante of adicto tin di wordo interna y keda eyden pa tempo indefini. For di e centro aki nan no mag sali bek den comunidad. Den e centrum-lo tin personanan cu lo guia nan, lo tin cama, scol, cuminda, trabou, tur cos pa un mihor bida. Momento cu un adicto cambia su bida completo, e centro por pidi gobierno por escrito pa un cambio na nomber di tal persona. Gobierno lo evalua esaki y si e peticion wordo aproba, e persona aki ta bin per direct na remarca pa un apartamento y guia di Psicologo/psiquiatria tur dia ta obligatorio y lo guia e persona aki pa yega na un trabou.

**12)** KIA lo wordo drecha y renoba full. Cu maximo seguridad y proteccion, pa trahado y detenidonan. Lo pone full un plan structural nobo na KIA, na unda tur detenido lo come 4 biaha pa dia. Un biaha pa luna ta haya bishita y tur dia tin training disciplinario na unda cu tur detenido tur dia ta lanta mainta trempan Sor y cuminsa entrenamiento fisico y mental tambe specialmente bou di guia di professional. Mester haya educacion tambe pa por sali cu diploma. Lo kita e ley y regla tocante sali mas prome cu bo tempo cu lunanan ta wordo kita cada aña.

**13)** Casonan di Pedofiel, atraco, y abuso domestico, matamento y fraude lo subi e castigo minimo 40 aña te maximo 60 aña di prison cu ta bida largo. Tur otro caso penal cu ta crimen pisa cu ta regarda for di menor di edad te na adulto ta subi e castigo minimo di 18 aña te na 35 aña di castigo. Lo cambia full e sistema Huridico na Aruba y drecha tur e leyman. Corte lo cuminsa traha cu un otro sistema di norma cu ta cuminsa na Aruba.

**14)** Sector publico y priva, E orario di trabou di tur trahado lo wordo reduci na 7ora di trabou como full time y 3 ½ ora di trabou como part time.

**15)** Den e sistema di TIA (Tecnologia Inovativo Arubano) su carnet tin un sistema di gps tracker, cu por identifica unda bo ta cada momento y ken tur tabata na e localidad ey. Esaki lo haci trabou di polis mas facil pa gara e persona cu por a comete un acto di crimen na bo persona. Polis lo tin acceso den e sistema di gps tracker, solamente na e localidad y e orario y datonan, cu aprobacion di Huez.

**16)** Nos lo procura pa habri un Universidad full Practico na Aruba na Papiamento completamente di gobierno wordo reconoci y acredita pa/na Aruba, esaki ta pa tur hende di edad 20+ por automaticamente drenta e school aki. Bachelor 3 aña y Master Degree 1 aña, na un prijs rasonabel y por ricibi studielening for di gobierno.

**E Academia nan lo ta como lo siguiente:**

Business Management Academy	Retail Management studies	Frontline Management studies
Project Management studies	E . Business studies	Import / Export studies
Human Resources Academy	Marketing Academy	Advertising Academy
Sales Academy	Sports Management Academy	Hospitality Management Academy
Travel & Toerism Academy	Catering & Cooking Academy	Mediation Academy
Paralegal Secretarial Academy	Executive secretarial Academy	Political Science Academy
Real Estate Academy	Bookkeeping Academy	Counselling & Psychology Academy
Private Investigation Academy	Criminal Psychology Academy	Criminal Justice & Criminology Academy
Forensics Academy	Biblical & Ministry Academy	Life Coaching Academy
Wedding Planner Academy	Event Management Academy	Public Relations Management
Journalist Academy	Fashion Design Academy	Fashion Stylist & Image Consultant Academy
Interior Design & Decoration Academy	Jewellery Design Academy – Floristry Academy	Floristry Academy
Landscaping Academy	Horticulture Academy	IT (web design) Academy
Graphic Design & Desktop Publishing Academy	Photography Academy	Teacher Aid Academy
Nanny Academy	34 Languages Academy	T.E.S.O.L Academy
Personal Trainer Academy	Beauty Therapy & Make up Academy	Massage Academy
Natural Health Academy	Nursing Assistant Academy	Pet Care / VAT Assistant Academy

Zoology Academy	Medical Secretary Academy	Dental Assistant Academy
Pharmacy Assistant Academy	Hairdressing Academy	International Law Academy. Lab Academy
FEPO Academy	Doctor Academy	Polis Academy
Detective Academy	Prosecutor Academy	Book Writer Academy
Guard Academy	Leadership Academy	Aruba Immigrant & Customs Enforcement Academy
Dimas Staff Academy	Aruba Labor Academy	

**17)** Tur scol na Aruba lo traha cu liña di guia, esaki ta nifica cu lo tin Cresh, despues mester bay Scol Preparatorio, Scol Basico te cu 6 klas y despues mester bay MAVO 3 aña, despues 2 aña HAVO y 1 aña na VWO y despues por scoce pa of bay studia den exterior of drenta e Universidad di Aruba of e Universidad Practico nobo. Scol Paso pa Futuro/Emma School y Scol Duna Man lo keda y tur mucha di e scol aki lo bay direct na EPB manera nan caba y si un estudiante di EPB ta desea di sigui por sigui pa MAVO sigui bay. Meta di e liña di guia aki ta cu ningun estudiante na Aruba por keda sinta, si tin problema cu estudio, lo tin docentenan specialmente dedica na extra les p’e studentenan aki, tur hende merece di logra nan meta! Cada klas te VWO lo tin un trahador social pa e studentenan por tin apoyo den nan estudio y motivacion pa sigui pa dilanti. Scolnan te cu VWO lo bira full digital.ningun docente no ta perde trabou.

**18)** Lo tin cooperacion cu lo percura pa haci full Aruba free wifi. Pa motibo cu e sistema di TIA ta wordo uza digital y scolnan tambe digital, tur persona cu ta riba 50 aña di edad lo tin un mentor pa guia tecnologico 12ora pa dia si nan mester cu por guia e personanan aki cu e sistema nobo di TIA.

**19)** Lo pone varios woodOffice post canto di caminda unda ta necesario, y lo tin voluntario cu ta aplica pa train como Polis voluntario na Aruba, e gruponan selecta cu lo a aplica lo bay train di polis pa 5 luna, pa train como asistente di polis di trafico. Nan ta controla tur e diferente districtonan constantemente, si ta cumpli cu regla di trafico, si kisas un persona ta burachi y a causa un accidente riba caminda, si ta riba ‘wanted list’ of si tin motibo cu tin di wordo para, etc.. Esaki ta pa mantene ordo den trafico. Polis den funcion actualmente lo ta nan guia, y lo tin un apoyo, asina polisnan cu tey caba por tin mas focus den e situacionnan di criminalidad.

20) Lo bin cu un structura nobo pa Dokter di Cas na unda cu cada districto na Aruba lo tin un Dokter cu lo keda habri stret despues di atardi, 24ora na warda pa e siman. Y ta tuma cualkier pashent den e districto. Esaki ta pa motibo cu HOH sa manda hende bay cas y ta bisa presenta na Dokter di cas pa su mayan mainta y esaki no t'e sistema di traha.

21) Lo haci Hospitalnan na Aruba bay completamente den parti moderno y un parti REMEDI NATURAL. Tur dokter y specialista lo wordo manda training specifico poco poco y detaya pa por haya un bista diferente pa e parti di remedi y plan nobo innovacion. Gobierno lo percura pa habri un Centro Planta Natural (CPN) cu lo cuminsa produci remedi tera y lo distribui na cada botica y na hospital, esaki te forma cu lo baha full gasto di cumpra remedi sintetico traha cu kimico cu ta bin di afo. Nos lo cuminsa ta e whole sale na Aruba y pa cuminsa bende esaki na retail den Aruba y pafor di Aruba. Na prijs rasonabel pa AZV y local.

22) Tur Apartamento y cas na Aruba, e huurdo tin di mantene su mes na un tarifa stipula pa gobierno pa evita boet. No por ta cu prijs di un apartamento ta mesun suma cu un salario minimo of casi mescos.

23) Tur Invoerrechten na Aruba import/export ta bira 2% di tarifa, pero control di Douane ta keda manera e ta cu reglanan estricto.

24) Tur persona retail of whole sale no mag pasa 190% como nan sales price. esaki ta pa evita abuso contra cliente. Tur factura original di tur compania cu ta na Douane lo wordo hiba na Control Team cu lo investiga y controla na tur comerciante y negoshi tocante prijs.

25) Tur trahador den sector priva of sector publico cu ta cobra menos cu 2,500.00 Florin y tin un of mas yui, mester haya un kinderbijdrage tur aña na luna di juni. Esaki ta conta solamente si bo tin yui. Bo lo ricibi 15% extra di bo salario bruto pa cada yui, te cu maximo 3 yui, Departamento Social lo ta encarga cu esaki.

**26)** Partido HTC lo pone pensioen pa sector priva minimo 2,300.00 Florin sea casa/soltero/compaña. Sector Publico nos lo hasi un reformacion di ambtenaar cu outsources, cabando cu corrupcion, Partido HTC lo explora e recurso nan den reino hulandes y union europeo. Esaki ta pa derecho igual di tur persona na Aruba, bo a traha y merece bo pensioen husto. Edad cu ta bay cu pensioen lo bira 58 aña di edad.

**27)** Ningun Director of ambtenaar di Gobierno mag wordo persigui of involvi directamente den politica, e ta haci su trabou manera e ta wordo bisa for di gobierno pero e no por wordo kita door di persecucion of door cu e ta involvi cu cualkier color politico. Tur ambtenaar cu a wordo manda cas pa motibo di persecucion politico y ta sigui cobra na cas, lo ricibi un funcion nobo (sin opcion) y mester presenta directamente na trabou.

**28)** Lo pone borchi digital di propaganda canto di caminda cu gobierno lo huur cu negoshi of hende priva cu ta interesa pa haci nan propaganda asina ricibi extra entrada.

**29)** Dianan di vakantie lo subi pa 1.5 dia pa luna. (SVB lo paga 50% y dunado di trabou 50%).

**30)** Tur hende muher cu bay cu permiso di maternidad, e tata tin derecho riba 9 dia di Stay-Close pa keda cas como ayudante di su pareha/casa. Cuminsando ariba e prome dia cu e mama a haya e baby (SVB lo cubri 75% y dunado di trabou 25%).

**31)** Terminacion di Contract laboral ta bira 1 luna di salario pa 1 jaar. Esaki ta conta pa sector publico y priva.

**32)** DIP lo wordo encarga pa pone prijs di balor di Mercado (value market price) di cada cas na Aruba; esaki kiermen cu ningun persona cu ta bende nan cas por pasa e prijs di e Value Market Price. DIP lo traha un rapport pabo pa asina bo por bende bo cas. Sin e documento aki no por sigui cu proceso di benta. Esaki ta pa evita di bende cas na prijs halto na Aruba y no ta duna e clase abou of medio e chens

pa yega na e cas di nan deseo.

**33)** Lo bin cu un ley na unda tur banco mester por traha igual cu un solo tarifa di percentage annual (APR) pa financiamiento pa prestamo di hipoteca. Esaki ta pa percira cu un persona cu tin un salario minimo por logra cumpra un cas riba su mes, sin cu mester depende riba su pareha of otro persona. Gobierno lo pone un sistema pa percira cu banco no lo tin perdida den esaki, paso tur hende kier logra nan meta pa tin un cas.

**34)** Lo asfalta tur caminda cu tin cas den tur bario mas pronto posibel y pone luz si ta necesario. Tur caminda di asfalt cu tin buraco lo wordo drecha. Cada bario lo haya debido atencion pa un mehoracion.

**35)** Lo bin cu un BCFA (Bureau Control di Fundacion Aruba). Tur fundacion mester registra na e bureau aki, tin di entrega nan documentonan y nan plan di trabou. E fundacion cu tin mas di 6 aña di existencia ta bin automaticamente na remarca pa un yudansa cu un coach pa e fundacion, financiamiento y tambe un yudansa cu material, pa e fundacion nan non-profit sigui lucha pa un mihor Aruba y den direccion cu pueblo kier pa Aruba ta.

**36)** Tur trahador den sector Priva of Gobierno lo ricibi un aumento di salario di 15% cada 6 aña di experiencia y servicio.

**37)** Tur polis cu abusa di su poder durante un situacion cu un problema a surgi of ta bay pa atende un persona su comportacion y a actua contra ley lo tin consecuencia pisa p'e. Automaticamente e ta ricibi castigo penal, solamente si e ta culpabel. Polis tey pa proteha pueblo y no pa abusa di su poder, nos tur ta ser humano incluso polis, pero kier pa nos tur corda cu nos tur ta humano y tin derecho.

**38)** Tur prensa noticiero na Aruba cu tin mas di 10 aña di existencia legal conforme regla y ley di Aruba, lo ricibi radio di polis (pa por scucha so) y permiso pa filma completo ins & outs di gobierno y parlamentarionan nan rutina diario. Esaki ta pa evita di saca fake news of informacion robes pa comunidad. Lo lanta un Departamento cu lo encarga cu control di esaki. Transparencia ta Prioridad.

**39)** KPA y KIA lo ricibi edificio nobo y moderno. Mantene un bon higiena ta Importante pa nos tur.



**40)** Den tur auto di polis lo tin computer cu sistema di dato na unda tur auto y tur hende ta registra y ta haci trabou di polis mas facil cu no tin di skirbi den un buki, pero ta pone tur informacion directamente den e computer aki y ta haya tur informacion di e persona cu bo a para of ta buscando. Tambe tur auto di polis lo tin camera dilanti y patras na unda cu por mira full kico tur polis ta haciendo durante su ora di trabou completo, y final di dia esaki lo wordo gescreen y pasa via un canal di TV. Tambe na cada 20 palo di luz den tur bario y caminda, lo percura pa tin Camera photo screening na unda cu ora bo ta core auto cu velocidad halto e sistema ta saca bo potret visibel y number di auto. Ministerio Publico ta post e boet di e persona concerni via su Dashboard di TIA.

**41)** Lo bin cu un Studenten Studio cu lo cay bou di FCCA su encargo - Proyecto cu lo wordo yama Fast Movement Studios (FMS), unda cu un hoben cu ta bay scol of ta traha y no tin manera pa cumpra un cas ainda por registra pa por huur un di e studionan aki na un prijs hopi abou te ora e logra pa tin manera pa sigui bay riba su propio forsa, pa no mester keda biba bou di dak di mayor y e proceso no mag tarda mas cu 5 luna (maximo).

**42)** Lo bin cu un centrum cu lo wordo yama SNC (Siñanan cumi). E centrum aki lo tin trahador profesional 'life coach' y demas otro funcion na unda tur mayor na Aruba ta haya un carta cada 3 luna pa hiba nan yui na e centrum aki full un dia pa pasa dia - si bo yui ta entre 8 pa 17 aña di edad. Den e centrum aki lo evalua e mucha su comportacion, situacion, actuacion, character y mucho mas. Lo guia e mucha aki, cu loke ta miho pa ta un bon persona den futuro; lo haci diferente actividad cu nan pa muestra nan kico tur ta positivo, pa un caminda corecto y miho bida y na unda lo evalua dibiha casonan cu ta zona straño y si ta sospechosonan por wordo atendi dibiha.

**43)** Tur Deporte na Aruba of cualkier talento cu ta wordo gelink cu un deporte/hobby, ta wordo 100% subsidia directamente for di gobierno cu structura nobo di gobierno. Lo haci tur aña un 'Talent Show, competencia di Futbol, baseball, tennis, volleyball y tur deporte cu por tin na Aruba, y gobierno lo pone un Winning Payment Fee pa e ganadornan pa asina tur hende cu ta den deporte por yega leu y wordo paga pa nan talento. Scholarship tambe ta loke lo boost den e programa aki. \*HIBA BO PAIS PADILANTI.

**44)** Tur scol priva cu bon structura y legalmente na Aruba, cu tin mas di 10 aña di existencia lo wordo reconoci y acredita 100% door di gobierno di Aruba. Esaki ta pa yuda stimula mas hende pa sigui studia, aunke bo a escohe un scol priva. E scol aki por wordo subsidia via gobierno pa por tin un gasto menos pa e aplicantenan cu ta interesa.

**45)** Nos lo stimula y lanta un programa na unda cu interesadonan y profesionalnan por aplica pa asina Aruba por tin su propio pelicularnan na Aruba den Papiamento y Ingles. Esaki ta pa muestra cu Aruba lo bay pa e siguiente nivel y lo hasta bende den mercado di cinema y lo pasa esakinan despues na canalnan di TV.

**46)** Studentenan cu ta studia na Aruba y gradua lo no mester paga bek e Studie Financiering cu gobierno ta otorga. Tur estudiante cu ta studia den exterior ta paga solamente 1/4 parti di e debe si nan gradua.

**47)** Tur menor di edad cu wordo deteni y wordo castiga pa 12 dia of mas, no mag wordo hiba KIA. KPA mester hiba e menor aki na cualkier Youth Correctional Center, priva of publico - pa sinta su castigo. Esaki ta pa motibo cu mester percura cu e muchanan aki por wordo yuda via un trahado social, psykiatra, of psicologo, pues ayudo profesional cu e hobennan menor di edad aki mester.

**48)** Nos lo uni SAC y SMAC den Carnaval, pa e motibo aki lo laga SAC organisa e carnaval na San Nicolas y SMAC na Oranjestad. Tur tarea ta wordo haci hunto y schedule lo wordo traha hunto door di e 2 organisacionnan aki y tur 2 lo wordo financia door di Gobierno. UNITED WE WORK.

**49)** Lo bin cu un organisacion na unda lo crea trabou facil pa 4 ora di tempo creativo na unda mucha entre edad di 13 pa 17 aña por aplica y traha pa un zakgeld of comision. Entre otro nan lo siña planta, lo siña cose paña pa bende, siña traha diferente cos cu por y bende, creando un Youth Entrepreneur Leadership.

**50)** Lo bay percura pa tur caso cu presenta na Departamento di LABOR cu no wordo resolvi dentro di 48ora, DAO lo percura pa dentro di 5 dia di trabou e caso aki presenta dilanti mesa berde.

**51)** Dump lo tin un sistema nobo, y e sistema ta bay ta "Underground Solutions" (Solucion bou Tera). Pa hopi aña caba tin basta pais ta haci esaki y ta resulta bon, ta parti tambe di e plan di e Asociacion

Internacional di Desperdicio Solido (International Solid Waste Association) rond mundo, y no lo ta un molester riba tera pa ningun persona.

**52)** Aruba lo introduci un sistema nobo na tur compania di benta, cu e opcion cu nan por escohe pa e siguiente nivel mas halto, e tecnologia aki yama Sensei Technology y ta cumpli cu tur regulacion di Europa y ta un sistema hopi avansa cu sigur compania priva y di gobierno ta ricibi mas entrada y ta baha gasto. Bendedornan detaya por mehora nan benta y e trahadornan lo mantene e parti mecanico di e sistema aki pa cual nan lo ricibi tayer pa educa nan mes riba dje.

**53)** Lo crea un parke atractivo full nobo na Aruba, cu lo tin 'roller coaster', Simulators y hopi mas cos, cu lo trese mas entrada pa Aruba y crea mas trabou, y tambe lo duna turista y nos local mas gana di pasa dia den un centro atractivo y unico na Aruba.

**54)** GNC (Guarda nos costa) Lo bay tin un edificio full nobo y grandi, na unda e trahadornan lo tin mas seguridad y un structura nobo y e detenidonan ta wordo trata husto como ser humano y ta wordo deporta segun structura nobo na forma profesional y den corto tempo.

**55)** Lo bin cu un Proyecto cu lo wordo yama "Business Support Coordinator" (BSC) cu lo ta constantmente bezig cu negoshinan na Aruba, chikito y grandi. E proyecto aki ta pa yuda negoshinan ora nan ta den bon y den malo. Si e negoshi ta bayendo malo y gobierno ta wordo alerta via TIA su sistem cu e negoshi tin perdida, e proyecto aki lo yuda e negoshi, pa para riba su pia, pa por mantene e negoshi stabil te ora cu e por subi bek riba pia, e intencion di e proyecto aki ta pa hiba comercio dilanti, pa nos economia bay dilanti.

**56)** Lo percura pa no tin monopolio y tampoco desigualdad den comercio. Compania grandi tin di duna un oportunidad na esun nan chikito. Lo tin un departamento cu lo yuda tur comerciante chikito, mediano, y grandi - micro empresario na Aruba den guia nan y financieramente pa nan por crese, ora e compania crese nos status di entrada y empleo na Aruba tambe lo crese. ( Voorbeeld: Bo no por tin 10 yui y ta duna 1 di come y laga 9 muri di hamber). DOW tambe mester percura pa cada proyecto grandi cu wordo duna na e companianan grandi nan zorg pa pone sub-contractornan local prioridad na Aruba. DOW mester tin flexibilidad den permiso pa construction. Durante Bidding nan no por previligia un compania so, mester percura pa reparti pa tur por y keda husto. Fair Share na tur comerciante local.

**57)** Lo percura pa tin un website "AWT" (Aruba Website of Transparency) na unda cu lo introduci un sistema cu pueblo por mira tur informacion di tur transacion cu wordo hasi na Aruba pa pais aruba.

**58)** Salaris minimo lo subi pa minimo netto 2,000.00 Florin. Sector priva y publico.

**59)** Lo tin un departamento na unda cu lo motiva y guia ciudadano nan cu kier logra crese den Agricultura y kier produci pa bende nan product nan como whole sale of retail na nos pais. Lo pone experto nan presenta un plan na unda cu cada applicante lo wordo guia pa sigi e structura nobo aki y educa nan mes riba dje pa por logra nan meta y crese den e ramo aki. E departamento encarga cu e proyecto aki lo tin un fondo disponibel cu lo financia e cunukero nan tambe, dunando ayudo cu tecnologia tambe.

**60)** Lo cuminsa diversifica un plan nobo tambe pa e pilar economico na Aruba (mas den e area di San Nicolas) cu lo cuminsa forma parti di crea fabricanan na Aruba cu lo traha diferente producto cu lo wordo produci y bendi. Lo cuminsa subi mercado Internacional pa areglo mutuo pa por logra e meta aki cu lo hasi aceso di exportacion mas facil tambe pa comerciante nan na Aruba.

**61)** Partido HTC lo introduci proteccion di producto interno na Aruba. (Incentiva pa tin mas producto local).

**62)** Nos lo bin cu un ley laboral 50 mas 1, Local ta prioridad.

**63)** Nos lo bin cu un structura nobo, secretaria di distrito pa cada distrito. Secretaria aki ta representa e distrito, principalmente e tin su propio oficina na e distrito y ta bira un assistant di parlamento di Aruba, na unda cualker preocupacion cu un ciudadano di e bario tin por acudi na e oficina aki y lo wordo yuda inmediato. E nombramento ta bai abase di eleccion apart.

**64)** Plan social imigratorio (PSI), Nos lo duna un permiso na tur persona indocumenta actualmente na Aruba pa 3 luna temporal, e permiso aki ta inserta cu e persona indica por traha legalmente na Aruba, e permiso aki por wordo verleng te cu un maximo di 6 luna total cu ta inclui e prome 3 luna. Esaki lo wordo hasi via un amnestia. E persona aki automaticamente lo mester bandona Aruba despues di e 6 luna nan cumpli. E persona aki por aplica pa un permiso di PSI via su pais di origen, despues di 6 luna du e fecha di bandona Aruba. Durante e proceso aki Aruba lo bai papia cu Hulanda pa yega na un consensus pa tuma e maneho di frontera over hasiendo uso di e militar nan na Aruba cu lo percura cu tin control 24/7 controlando nos frontera.

**65)** Nos lo baha salario di Minister nan.